

Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara.

Naalakkersuisunut apeqqut:

- 1. Qanoq Naalakkersuisut nuna tamakkerlugu inuusuttunut inissialiornissamut pilersaaruteqarpat?**
- 2. Nuna tamakkerlugu illoqarfiit sorliit inuusuttunut inissiaqartitsippat?**
- 3. Nuna tamakkerlugu illoqarfiit arlaat inuusuttunut inissiaqartitsigunik qanoq aningaasalersorneqarpat?**
- 4. Nuna tamakkerlugu imaluunniit illoqarfiit inuusuttunut inissiaqarfeqanngitsut sanaartorfigineqassagunik qanoq tamanna inissialiornermut ataatsimut naleqassava aamma qanoq aningaasaleeriaaseq kommunillu qanoq suleqatigineqassappat?**

(Inatsisartunut ilaasortaq, Jens Napātôk', Partii Naleraq)

Tunggavilersuut:

Inuusuttunngorneq akisussaaffimmik tingusineramik malitseqartartoq angajoqqaarpasuit ilisimaqqissaarpat, inuusuttunngorneq nammineernerulernermut ikaarsarneq oqitsuinnaaneq ajortoq angajoqqaarpasuit aamma nalaattarsimagaat tusartakkatta ilagaat.

Taamatullu aamma inuusuttunngornermi ajornartorsiutit ilagisarpaat, inuusuttut nammineerusuttut, namminneq ineqarusuttut Kalaallit Nunatta ilaani periarfissinneqarneq ajormata, soorlu illoqarfissuarmi Nuummi inuusuttunut inissiaqanngitsoq ilisimaneqarpoq. Inuusuttorpassuit angajoqqaaminni najugaqartitserput, tamannalu akisussaaffimmik tingusiniarnerminni ajornartorsiutit annersarisarpaat. Taamaattussaannngikkaluarpoq, inuusuttut periarfissagissaarnerusariaqarput maani nunatsinni.

Apeqqutit ullut qulit suliffiusut iluani akineqarnissaat kissaatigaara

Inatsisartunut ilaasortaq Jens Napātôk'

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866